



Broj: 01/14-11-2160/23
Sarajevo, 23.02.2023. godine

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14 i 59/22), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08, - Prečišćeni tekst), gradonačelnica Grada Sarajeva, donosi

ODLUKU

o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača Ecoplan d.o.o. Mostar, ul. dr. Ante Starčevića bb, 88 000 Mostar, broj ponude 14-11-2160/23. godine, zaprimljene na protokol ugovornog organa dana 20.02.2023. godine, za predmet nabavke „Izrada projekta sanacije i restauracije fasade stambeno-poslovnog objekta u ulici Ferhadija – Jatov neboder“, u postupku provođenja javne nabavke putem Konkurentskog zahtjeva sa ponuđenom cijenom u iznosu od 34.500,00 KM bez PDV-a, odnosno 40.365,00 KM sa uračunatim PDV-om.

II

Sa ponuđačem Ecoplan d.o.o. Mostar, ul. dr. Ante Starčevića bb, 88 000 Mostar, zaključit će se ugovor o pružanju usluga.

III

Ova odluka stupa na snagu danom donošenja.

Obrazloženje:

Odlukom broj: 01/14-11-958-1/23 od 09.02.2023. godine, pokrenut je postupak javne nabavke za „Izrada projekta sanacije i restauracije fasade stambeno-poslovnog objekta u ulici Ferhadija – Jatov neboder“, putem Konkurentskog zahtjeva.

Obavještenje o nabavci objavljeno je na portalu Agencije za javne nabavke broj: 1278-7-2-16-3-19/23 od 09.02.2023. godine.

Sa portala Agencije za javne nabavke, tendersku dokumentaciju je preuzelo 18 ponuđača.

U određenom roku za dostavljanje ponuda na protokol ugovornog organa zaprimljene su dvije ponude i to: Ecoplan d.o.o. Mostar, ul. dr. Ante Starčevića bb, 88 000 Mostar i Urbing d.o.o., Vrazova 12/1, 71 000 Sarajevo.

Komisija za javnu nabavku, imenovana Rješenjem broj: 01/14-04-2107/23 od 16.02.2023. godine, izvršila je javno otvaranje ponuda 20.02.2023. godine.

Nakon otvaranja ponuda izvršena je detaljna analiza prispjelih ponuda, gdje je utvrđeno slijedeće:

Ponuda ponuđača Ecoplan d.o.o. Mostar, dostavljena je u skladu sa tenderskom dokumentacijom te ista ispunjava uslove za kvalifikaciju.

Komisija je utvrdila cijenu ponude ponuđača Ecoplan d.o.o. Mostar u iznosu od 34.500,00 KM bez PDV-a, odnosno 40.365,00 KM sa uračunatim PDV-om.



Ponuda ponuđača Urbing d.o.o. Sarajevo, nije prihvatljiva za ugovorni organ, odnosno ne ispunjava uslove koji su propisani tenderskom dokumentacijom.

Tenderskom dokumentacijom tačkom 3.3.2. propisano je slijedeće:

Ocjena tehničke i profesionalne sposobnosti ponuđača iz tačke 3.3.1. TD će se izvršiti na osnovu dostavljanja Izjave o ispunjenosti uslova iz člana 48. i 50. Zakona ovjerene od strane ponuđača (u formi utvrđenoj Aneksom 4 TD) kao i DOKAZA koje su ponuđači dužni dostaviti uz ponudu, i to:

- a) Spisak izvršenih ugovora o pruženim uslugama koje su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno 3 (tri) ugovora čija ukupna vrijednost iznosi najmanje 35.000,00 KM bez uračunatog PDV-a.

NAPOMENA: Uz spisak izvršenih ugovora ponuđač je dužan dostaviti i potvrde, koje su u vezi sa spisakom izvršenih ugovora o pruženim uslugama, a koje daje druga ugovorna strana o njihovoj realizaciji, a koje (potvrde) obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predocjenje dokaza o učinjenim pokušajima da se takve potvrde obezbijede.

Ponuđač Urbing d.o.o. Sarajevo, je dostavio spisak o uspješnoj realizaciji 4 (četiri) ugovora kao i 4 (četiri) potvrde o uspješnoj realizaciji.

Detaljnom analizom ponude ponuđača Urbing d.o.o. Sarajevo, Komisija je utvrdila slijedeće:

1. Ponuđač Urbing d.o.o. Sarajevo, dostavio je potvrdu UNDP BH koja je napisana na engleskom jeziku dok je tačkom 4.1.3. tenderske dokumentacije propisano da:

Ponuda i svi dokumenti kao i korespondencija u vezi sa ponudom između ponuđača i ugovornog organa moraju biti napisani na jednom od jezika u službenoj upotrebi u Bosni i Hercegovini. Štampana literatura, brošure, katalozi i slično koje dostavi ponuđač ne moraju biti prevedeni, izuzev ako se TD ne zahtijeva da se i ti dijelovi prevedu (Napomena: ugovorni organ precizira šta sve mora biti prevedeno). Pod zvaničnim prevodom se smatra prevod ovjeren od strane sudskog tumača.“

2. Ponuđač Urbing d.o.o. Sarajevo, dostavio je potvrdu Olimpijskog komiteta Bosne i Hercegovine u kojoj se navodi da je ponuđač Urbing d.o.o.Sarajevo, uspješno izvršio ugovor potpisan 06.12.2017. godine sa rokom realizacije od 1 (jedan) mjesec.
Potvrda je izdata dana 18.06. 2019. godine.

Tenderskom dokumentacijom propisano je da traženi ugovori o pruženim uslugama koje su predmet nabavke, su izvršeni u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Komisija je utvrdila da je za predmetni ugovor i potvrdu istekao rok od 3 (tri) godine.

Uzimajući u obzir naprijed navedeno, Komisija je utvrdila da 2 (dvije) dostavljene potvrde nisu prihvatljive za ugovorni organ, a samim tim niti ponuda ponuđača Urbing d.o.o. Sarajevo.

Komisija za javnu nabavku sačinila je zapisnik o pregledu i ocjeni ponuda od 22.02.2023. godine, te dala preporuku gradonačelnici da se ugovor za pružanje usluga – „Izrada projekta sanacije i restauracije fasade stambeno-poslovnog objekta u ulici Ferhadija – Jatov neboder“ dodijeli ponuđaču Ecoplan d.o.o. Mostar, ul. dr. Ante Starčevića bb, 88 000 Mostar, koji je jedini dostavio ponudu koja je prihvatljiva za ugovorni organ sa ponuđenom cijenom u iznosu od 34.500,00 KM bez PDV-a, odnosno 40.365,00 KM sa uračunatim PDV-om.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnica Grada Sarajeva donosi ovu odluku..

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu putem ugovornog organa u dovoljnom broju primjeraka.

Za zakonitost odgovaraju:

Obrada: Nejra Selimović

Šef Odjeljenja za javne nabavke: Suada Kovačević

Rukovodilac Stručne službe za poslove kabineta i poslove Gradske uprave: Aida Bajramović

Gradonačelnica

Doc.dr. Benjamina Karić

Dostaviti:

- ponuđačima

- a/a